

Cana Galileeik ka ôcheet, mena oo' koosisa Zebbede, ussitche nesoo kotuka oo kiskinôhumowakuna.

3 Simon Peter omisse itāo, ne nuttôwe nochekinosāwan. Omisse itāwuk, Neyanan mena ke ga wechāwitinan. Sipwātāwuk, mena posewuk mistiko chemanîk sāmak; ākose āwuko ā tipiskayik numma kākwi ké nippātawuk.

4 Maka ākwa ispe wāchêchepuyik ā kākēsāpayayik, Jesus nepowew chekepāk: maka kiskinôhumowakunuk numoweya ké kiskāyētumwuk āwukwune Jesusa.

5 Ākose Jesus omisse itāo, Owasisetik, ket ayanawaw na mechim? Omisse itāwuk, Numma.

6 Ākose omisse itāo, Pukustawāhoók āyupe kécheniskîk itākā mistiko chemanîk, ākose ke ga miskānawaw. Ākose maka pukustawāwawuk, maka ākwa numoweya ké kuskêtawuk kitta ôpinatchik ā isse méchāteyit kinosāwa.

7 Una maka kiskinôhumowakun Jesus ka ké sakehat omisse itāo Petera, Āwuko ka Tipāyêchekāt. Ispe maka Simon Peter peātûk āwukwune ka Tipāyêchekāyit, pukwûtāhototum oo nochekinosāo-usakuy, (weya ā mosās-kutāt,) ākose pukustawāpuyehoo wenepākoók isse.

8 Ākose kotukuk kiskinôhumowakunuk pā itôtāwuk peêche upistche mistiko chemanisîk; (weya āka wāyow uskeék ā ôche ayatchik,

[Crec.]